

# *LEDIMO LE LE TLAGO*

 A re feleng re eme feela nakwana, bakeng sa thapelo. A re ka inamiša dihlogo tša rena.

Tate wa rena wa Magodimong wa Mogau, ka nnete re batho ba ba nago le monyetla, bošegong bjo, gore re kgone go lebelela ka go sefahlego sa Gago sa letago le go Go bitša Tate wa rena; re tseba gore re fetile go tšwa lehung go ya Bophelong, ka baka la gore Moya wo Mokgethwa o bea bohlatse le rena, gore re barwa le barwedi ba Modimo. Gomme Yena ke hlatse ya rena, gore re fetile godimo ga mothalo wola; bakeng sa dilo tša lefase, tše re bego re di rata le go di hlokomela, di hwile bjale. Gomme re tsosítšwe ka boswa, le Kriste, gomme re dutše mmogo ka mafelong a Magodimong, ka go Yena, re ipshina ka Bogona bja Gagwe. Re Go leboga bjang bakeng sa se!

<sup>2</sup> Gomme, bošegong bjo, ka go tiragalo ye, re tla rapela gore O tla re etela ka tsela ye maatla, bošegong bjo. Šegofatša kereke ye nnyane ye, ye re e ratago, le kopanelo ye kgolo le lerato le re nago nalo bakeng sa yona le modiša wa yona, le bakeng sa maloko ohle, le bakeng sa bao ba kopanelago le rena mo ka kopanong ye.

<sup>3</sup> Gomme re a rapela, Tate wa Magodimong, gore bošegong bjo e tla ba bošego bja go ikgetha, bjoo re tla elelwago Bogona bja Gagwe botelele bošegong bjo.

<sup>4</sup> A nke, ge go ka ba ba bangwe, bošegong bjo, fa bao ba sa tsebego Morena Jesu bjalo ka Mophološi wa bona wa sebele, a nke ba Mo hwetše bošegong bjo, Morena, Yena yola yoo a ilego ntle ka lešokeng go lebelela dinku tše di lahlegilego tše di sa nkago tša boela lešakeng. E fe, Morena. Gomme a nke fao go be kgaogelo ka kampeng, bošegong bjo, ka gore seo ke se re se kgopelago. Leineng la Morena Jesu, re kgopela se. Amene.

Le ka dula.

<sup>5</sup> Ke mo go bose go ba morago ka tabarenekeleng ye, goba kereke, bošegong bjo, go ba le kopanelo ye kaone. Gomme lehono ke sa tšwa go phela ka tše borala tše nnyane go tšwa mantšiboeng a go feta.

<sup>6</sup> Gomme go lebelela ntle godimo ga batheeletši, le go bona ba go fapana, le difahlego tše ke kopanego le tšona. Ka fao ke, dinako tša go feta, ke nyakile go lebelela ntle le go šikinya diatla le bona, goba se sengwe. Eupša, oo, re be re le thari gannyane, gomme ke ile ka no swanela go itlhaganela. Eupša ke nyaka le tsebe gore go bile ba bantši mo mantšiboa a go feta, ba ke ba lemogilego go tšwa dikopanong tše dingwe.

<sup>7</sup> Gomme, bjale, bošegong bja go feta ge ke ile gae gomme ke be ke botša mosadimogatša wa ka, ke rile, “Ke a makala go

tla ba eng ge re tshelela mošola wa mothalo?" Ke eme fale, ke lebeletše fase, gomme ke re, "Gabotse, Ngwanešu *Semangmang* šole! Gomme fale..." Oo, yeo e ya go ba nako ya kgonthe! Gomme re lebeletše pele go letšatši leo, gomme ka pela, ka pela. Gomme ga ke tsebe e tla ba neng, eupša ka kgonthe e tla ba nako ya letago. Ke a dumela gore Johane, morago ga ge a bone matago a magolo a Modimo, gomme a utollotšwe go yena, ka go *Kutollo*, o rile, "Ebile le bjalo, etla, Morena Jesu." O bone gore go be go kgahliša.

Di se kae, e ka ba dibeke tše pedi tša go feta, ke be ke le ka Kingston, Jamaica.

<sup>8</sup> Gomme batho ba bantši ba naganne, gomme ba sa dira le bjale, dipono tšela di no tšwelela mo sefaleng. Nna, yeo ebile ga se bolesome bja tšona. Yeo ga se tee masomesenyane a tšona. Di tšwelela nako yohle, mogohle, gomme ga go nako e tee e kilego ya ba phošo.

<sup>9</sup> Gomme Banna ba Kgwebo ba Bakriste, Banna ba Kgwebo ba Full Gospel, ke be ke etela, goba fale bjalo ka moeti le lekala. Gomme mašego a mabedi a be a fetile, gomme re bile le theroy Ebangedi; gomme ka gona, le mohuta wa go tlwaelana le batheeletši, le go ikwela moywa batho. Gomme ke rile, "Ke a dumela go tla lekanelo, bošegong bjo, ge re ka fa dikarata tsoko tša thapelo, le go thoma go rapelela balwetši." Gomme Morena ore šegofaditše. Gomme bošego bja bobedi bo fetile.

<sup>10</sup> Gomme morago re ile ra sepelela ka go—go kamora ya mothalo kua go Hotele ya Flamingo, moo, "kgorotsheko" re tla e bitša fa, moo re bego re dula. Gomme se sengwe le se sengwe fale se theilwe godimo ga polane ya Europa; ge o lefa rente ya gago, o lefa sekoloto sa gago sa dijo; sohle se ya le re—re rente. Gomme re be re na le difihlolo. Gomme go bile le palo ye kgolo ya Banna ba Full Gospel fale, le ba bangwe, gape. Gomme potšišo e tšweletše, "Dipono tšela," ba rile, "di a makatša. Go tla no makatša ge di ka tšwelela e ka ba kae."

<sup>11</sup> "Oo," ke rile, "di a dira, ka kgonthe kudu." Gomme ke rile, "Seo ga se fodiše le ge e ka ba mang." Ke rile, "Ge le kile la lemoga, ke botšiša batho, 'A seo se tla thuša tumelo ya gago, go dumela Modimo?'"

<sup>12</sup> Dipono ga di fodiše; Kriste o šetše a dirile seo. E no ba go thuša tumelo ya gago. E no ba se sengwe Modimo a se okeditšego; tšhegofatšo ye A tshepišitšego go e romela, bohlatse bja matšatši a mafelelo. Re tla tsena ka go seo moragwana, go kgabola beke.

<sup>13</sup> Eupša re be re dutše tafoleng, gomme ke rile, "Fa bjale, Moya wo Mokgethwa o gona bjale." Gomme Ngwanešu Shakarian, bontši bohle ba lena le a mo tseba, Ngwanešu Demos, le yena mogwera wa ka wa hlogo ya kgomo; le Ngwanešu Arganbright, le, oo, ba bantši kudu ba go fapano, Ngwanešu Sonmore,

dipresitente le batlatšadipresitente, le go ya pele, ba Banna ba Full Gospel.

<sup>14</sup> Gomme ke rile, “Mošemane yo a tlogo fa o a babja” weitha. Gomme o ile godimo kgauswi le tafola, gomme Moya wo Mokgethwa wa thoma go bolela le yena, le go mmotša, o rile, “Bjale, o tlaišega ka bothata bja pelo. Mosadimogatša wa gago, le yena, ke Mokriste. O a dumela, eupša o a boifa.” Gomme seo, gomme wa thoma go mmotša gore o be a le mang, le ka moka ka yona. Gomme mošemane yoo o ile a nyaka go lahlela sekotlelo sa potoro ka porotong ya ka.

Kafao o rile, “Yeo ke therešo kudu!”

<sup>15</sup> Nna, nako yeo ke mmoditše; e sego nna, eupša Moya wo Mokgethwa o boletše se se bego se fošagetše ka mosadimogatša wa gagwe gae, le ka thapelo ya bona ye ba bilego le yona mmogo mosong wola pele a tloga, gomme maikemišetšo a gagwe e be e le go mpona letšatši leo. Oo, nna, o no nyakile a idibala!

Gomme o rile, “Ke no se kwešiše ka fao seo se dirwago.”

Ke rile, “Le nna ga ke dire.”

<sup>16</sup> Selo se nnoši ke se tsebago ke, Ngwanešu Shakarian goba . . . Ntshwareleng. Ngwanešu duPlessis o be a no ba ntle ka koloing ge ke otletše godimo, gomme Ngwanešu Mercier le nna re be re bolela ka moyo wa go ratega ka kerekeng ye. Re rata seo, kopanelo ye kaone kudu. Yeo e lokile kudu, ngwanešu, boloka yeo. Seo ke se sebotse kudu, ngwanešu wa rena, modiša. Gomme seo ke se sebotse. Gomme re be re bolela, gomme ke . . . O rile, “Ngwanešu Branham, ke a thanka o ne bontši bja bothata . . .”

<sup>17</sup> Ke rile, “Aowa. Selo se se mmakatšago ke mogau wa Modimo.” Ke rile, “Ke lapišitše kgaogelo ya Gagwe, makga a mantši. Eupša nka se tsoge ka fetsa mogau wa Gagwe, gomme ke thabela seo kudu.”

<sup>18</sup> Gomme kafao ge re be re sa bolela tafoleng mosong wola, ka gona fao go be go le mosadi yo moswa o ile tlase ka dilakane godimo ga legetla la gagwe, go ya tlase go kgabola lefelo, go ye nngwe ya diholo, go lokiša mepete. Ke rile, “Bjale Seetša sela sesle se lekeletše godimo ga mosetsana yola.” Ke rile, “E no mmitša morago mo.” Gomme re mmiditše morago. Gomme Moya wo Mokgethwa wa thoma go mmotša tšohle ka mathata a gagwe.

<sup>19</sup> Gomme o be a se Mokriste; e sego modumedi wa Ebangedi ya go tlala, nka no bolela seo. O be a dirile boipolelo, gomme, ge a be a le lesea le lennyane. Gomme mmagwe o mo išitše kerekeng, gomme o bile le . . . bogolo bja mengwaga ye lesomepedi, goba se sengwe. O be a kolobeditšwe, eupša a se tsoge a tsena kereke. Ke ka baka leo ke rilego, “e sego Mokriste.”

<sup>20</sup> Kereke ga e go dire Mokriste. Kereke e go thuša feela go ba Mokriste, e go thuša go dula se o tswaletšwego ka go sona, e go

thuša go ba le boitemogelo bja gago, ge o kopanela mmogo le baena ba Tumelo ye bohlokwa ya go swana.

<sup>21</sup> Gomme ka gona ge ke dutše fao, ke be ke lebeletše. Gomme Ngwanešu Demos Shakarian o nteleditše go tšwa go yona, gomme o rile, “Bothata ke eng?” Ge nkabe a nno se e bolele ka nako yeo!

<sup>22</sup> Ke rile, “Elelwa, O RIALO MORENA. Yo mongwe yo a lego kgaušwi le nna, o lokišetša go hwa. Gomme go ya go ba lesogana tsoko le le tshwago madi go tšwa molomong wa gagwe.”

Gomme ke rile, “Billy o kae?”

<sup>23</sup> Ba bantši ba lena le tseba morwa wa ka, Billy Paul. Mmagwe o hlokofetše ge a be a sa no ba lesea le lennyane. Gomme ke mo rwele go dikologa. Nako ya bošego, re ka se kgone go fihlelela malahle go boloka mollo, kafao re tla...ke be ke tla bea lebotlelo la gagwe ka tlase ga legetla la ka, ka mokgwa wo, le go mmolokela lona le huthumetše nakong ya bošego. Ge a be a phafoga, a llela mmagwe, ke be ke tla bea lebotlelo ka molomong wa gagwe. Gomme o nkogopetše, ge a be a hlokofala, “Ka mehla kgomarelana le Billy.” Gomme re bile bakgotsi ba kgonthe. Gomme kafao mogohle ke yago, ke tsea Billy, gomme o kgomarelane le nna.

<sup>24</sup> Kafao, nako yeo, Billy o be a lokišetša go ya godimo go, se ba se bitšago, “Serapa sa Kholofelo” go hwetša diswantšho tše dingwe. Ke mmiditše, ka pela. Ke rile, “O se ye. Se sengwe se lokela go direga.”

<sup>25</sup> Makga a mantši, dipono di bolela dilo tše re sa tsebego se di lego. Baprofeta ba Beibele ba be ba sa tsebe se ba bego ba ngwala ka sona, ba nno E ngwala. Gomme ba be ba le banna ba ba hlatsetšwego, ba šušumeditšwe.

<sup>26</sup> Gomme Ngwanešu Shakarian o rile, “Ngwanešu Branham, o re go tla direga eng?”

<sup>27</sup> Ke rile, “Ga ke tsebe. Yo mongwe, ba be ba se ne meno e ka ba afe, gomme ke ba bone ba hemelana gabedi, gomme ba hwa. Gomme motho yo mongwe, ba rile...ba tshwile madi go tšwa molomong wa bona, o bonagetše boka lesogana; gomme ke rile, ‘A ka se hwe, ga a komana.’”

<sup>28</sup> Gomme ka gona re šeditše. Gomme ke ikwetše ke hlahlwa go ya Jamaica, eupša e sego Puerto Rico.

<sup>29</sup> Kafao, ge re na le nako, nako go tla Puerto Rico, lefelo la go swana leo sefofane se welego fale ka Jamaica gomme se bolaile batho bale bohle. Ba be ba no lebega bjalo ka dikolobe di lekeletše fase godimo ga lepanta la polokego, feela dikarolo tša mmele wa bona di be di nno namelwa godimo. Gomme ba e kgoromeleditše thoko, gomme re...Fao, go le bjalo sefofane se robetše kua ge re etla ka gare. Gomme sefofane sa rená, go tleng morago go re iša go Puerto Rico, se thuthupišitše dipistone, ka

lefelong la go swana, ge ba eme go re hwetša. Billy o rile, “Papa, a o ne kgonthé gore ebile re swanetše go leka mahlatse ka sona?”

<sup>30</sup> Ke rile, “Lekala la Banna ba Kgwebo ba Bakriste le rile ke swanetše go tla. Ke bakeng sa kopanelo ya lekala le ke yago mašego a mmalwa a.”

O rile, “A o elelwa pono yela?” Ke rile, “Ee.”

<sup>31</sup> Eupša matšatši a mararo moragwana, ge ke hweditše . . . ke be ke eme ka go, . . . serapa (ga se nke ka ke ka bona e ka ba eng ye botse kudu) ka Puerto Rico. Gomme Ngwanešu Fred Sothmann (a ka no ba fa bošegong bjo), mogwera wa Canada, o be a tšea diswantšho. Gomme yo mogolo yo . . . le nago le yena. Ke mo go botse fa ka Phoenix, ke mo go botse ka Los Angeles, ke mo go botse ka Miami, eupša ga go batamele Puerto Rico ka botse. Oo, ke mo gobotse, gomme ga se ka ke ka bona eng kapa eng boka yona ka bophelong bja ka! Ona mafekefeke a magolo, a phulega ntle kua, nna, seripa sa maele ntle. Gomme diflamingo di sepela go dikologa ka diphakeng tša tropiki, le tšohle. Gomme ga se nke ka ke ka bona e ka ba eng go swana le Legodimo kudu. Ngwanešu Sothmann o retologile, o rile, “Ngwanešu Branham, Legodimo le swanetše go lebegä ka mokgwa wo.”

Ke rile, “Oo, le be le ka se ke, le ka se kgone go batamela Legodimo ka botse.”

O rile, “Oo, bona, lewatle lela le legolo!”

<sup>32</sup> Ke rile, “Eupša ke go kgehlemania ga lefase, ke go dira maphotho.” Ke rile, “Eupša e tla ba go tlala khutšo Fale, le tla be a ela feela ka setu ka mo le kgonago.” Gomme ke rile, “Go ka se be diflamingo di sepela tikologong ka phakeng, e tla ba Barongwa ba sepela tikologong ka phakeng moo re kopanelago.”

<sup>33</sup> Gomme feela nako yeo ke bone mmatswale le ratswale wa ka ba etla ba sepela hleng le nna. Ratswalake o be a sepetše bjale e ka ba seswai, mengwaga ye lesome. Gomme, ka wona motsotsotsoo wa go swana, mmatswale wa ka o be a feta ka gare go mo gahlanetša. O hwile ka yona nako yela ya go swana.

<sup>34</sup> Gomme ge diiri tše pedi moragwana, ge ke fihla Miami, ke leditše go bona ka fao se sengwe le se sengwe se bego se le gae. Mmatswale wa ka (a se ne meno) o hemelane gabedi, a hlokoſala. Morwa wa gagwe, a se komana go hlokoſala; bontši goba bonnyane, mohuta wa segatamoroko; o phatlogile, tšhologo ya madi, go tšwa go madi ka mogodung wa gagwe, le go no tsorotla madi go tšwa molomong wa gagwe, go tšwa tsela ye nngwe le ye nngwe.

<sup>35</sup> Ngwanešu Shakarian o nteleditše letšatši le lengwe. O rile, “Ngwanešu Branham, ga se nke ka ba le e ka ba eng kafao go nratha, go kwa ka yeo.” Le a bona, e be e no ba go yena go bitsa pono yela ka nako yeo, go e emiša, gore e se tsebe gore e be e le mang, gore e tla ba se sengwe go yena go kwešiša. O rile, “Ke a

dumela bodiredi bjale bo no thoma go ba le maatla." A nke go be bjalo.

<sup>36</sup> A nke, thwi fa ka Phoenix, se sengwe se direga seo se tla šušumetšago yo mongwe le yo mongwe, Moya wo Mokgethwa o tla magareng ga rena le go dira se sengwe seo se tla no go re dira go swinella tlhamo le go ba komana bakeng sa go Tla ga Gagwe. Morena a šegofatše.

<sup>37</sup> Bjale, e sego go le swarelela botelele, gobane le eme. Eupša le batheeletši ba bakaone kudu, ke—ke lebega o ka re nka no bolela bošego bjhole. Eupša nka se ke, ga ke thanke, eupša ke a thanka bošegong bja go feta le naganne ke be ke leka go.

<sup>38</sup> Ke tla no le fa tshedimošo ye nnyane. Ke boletše ka thuto mosong wo mongwe, ka tabarenekeleng ya ka, ke thomile ka masometharo a senyane, gomme ka fetša e ka ba ka masometharo a lesomepedi; Ke ba boditše pele ga nako, go le bjalo; go: *Go Kwa, Go Lemoga, Le Go Dira.* Mohlomongwe Lamorena le lengwe morago ga sekgalela, goba se sengwe, re ka no tla go taba yeo ya go swana. Lebaka la e ka ba ngwaga, Moya wo Mokgethwa o be o šomana le nna ka go e bolela, gomme mafelelong ke e boletše kerekeng. Ke lebetše gore ke ditheipi tše kae bašemane ba bilego natšo tša yona, pele re tloga, go tšeа.

<sup>39</sup> A re phetleng bjale ka Dibeibeleng tša rena, ka pela, go tema ya 7 ya Mokgethwa Mateo, gomme (rena) a re thomeng go bala go temana ya 24.

*Kagona mang le mang a kwago dipolelo tše tša ka,  
gomme a di dira, Ke tla mo swantšha le monna yo  
bohlale, yo a agilego ntlo ya gagwe godimo ga leswika:*

*Gomme dipula tša theoga, gomme mafula a ttile,  
gomme diphefo tša fokile, le go itia godimo ga yona ntlo;  
gomme ga se ya wa: gobane e theilwe godimo ga leswika.*

*Gomme yo mongwe le yo mongwe yoo a kwago  
dipolelo tše tša ka, gomme a sa di dire, o tla swana le  
motho wa setlaela, yo a agilego ntlo ya gagwe godimo  
ga mašabašaba:*

*Gomme dipula tša theoga, gomme mafula a ttile,  
gomme diphefo tša foka, le go itia godimo ga yona ntlo;  
gomme...wele: gomme go wa ga yona go bile go gogolo.*

<sup>40</sup> A nke Morena a oketše tšhegofatšo ya Gagwe bjale go palo ya Mantšu a Gagwe. Ke rata go bolela dinakwana di se kae godimo ga thuto ya *Ledimo Le Le Tlago*. Gomme ke tshepa go Modimo gore re tla kgona go ineela renabeng go Moya wo Mokgethwa. Ka gore, mang le mang o a tseba gore ga ke moreri. Ke gore, go na le bareri ka morago ga ka fa. Ga se ka ke ka ba le thuto go ba modiredi. Eupša ka go tša ka tša kgale, ditsela tša go nokologa, eupša ke... Morena o mphile se sengwe gape go se dira. Eupša ke rata go tšeа nako gore ke kgone go hlaloša se ke se tsebago ka

ga Morena le—le ka ga bobotse bja Gagwe, le go leka go botša ba bangwe ka yona. Gomme bjale re bolela bošegong bjo ka *Ledimo Le Le Tlago*. Gomme ge nka šitwa, ka mantšu, go hlagiša se ke ikwelago ka pelong ya ka, ke a rapela Moya wo Mokgethwa o tla se utolla.

<sup>41</sup> Jesu o be a bolela mo ka ledimo le le tlagos le swanetšego go ratha monna yo mongwe le yo mongwe le mosadi yo mongwe le yo mongwe yo a tswetšwego lefaseng. Go no se be tsela go tšwa go lona. Ledimo lela le tla go ratha nako ye nngwe goba ye nngwe. Gomme go ya le gore ke mohuta mang wa motheo wo o nago nao, ge eba ntlo ya gago e tla le kgotlelela, goba aowa.

<sup>42</sup> Go bile le maphelo a mantši a phološitšwego ka lebaka la tokišetšo bakeng sa madimo. Gomme go bile le maphelo a mantši a lahlegilego ka lebaka la go palelwa go ela šedi go tshebotšo ya madimo ao a tlagos.

<sup>43</sup> E sego telele go fetile, ke boditšwe ka kanegelo ye e diregilego, ke a dumela ke e badile ka go kuranta tlase ka Florida.

<sup>44</sup> Ba na le madimo a mantši a magolo ao a swielago go kgabola Florida, madimo a mmamogašwa ao a tlagos ka gare go tšwa lewatleng, le go tliša meetse (bakeng sa dipoloko tša toropokgolo) godimo ka toropongkgolo, le go swiela ntle se sengwe le se sengwe. Gomme ke a botšwa gore baprofeta ba bona ba tša boso ka mehla ba ntšhitše mahlo dinameng bakeng sa madimo a mabjalo. Gomme tsela ye nngwe, go kgabola di—di dielemente, gore ba kgone go kgokagana le phetogo ya boso le leratadima, gore, ke tsela efe boso bjo bo kgobokanago, bjoo bo tla tlišago a mangwe a madimo ale; gobane ba e dirile thuto ya bophelo, le ka didirišwa tše di itšego le dilo tše saense e ba filego. Gomme ka gona ka go biletša pele, le go kwa gore ke tsela efe ledimo le tlagos, ke phefo ye kae le nago ka morago ga gagwe; ka tsela efe madimo a mangwe a tlagos, tšona diphefo, ge eba e kgona go lwa, go kgoromeletša ledimo kgole.

<sup>45</sup> Nka kgona go ema mo le go rera lebaka la iri ka seo, gore go tšea ledimo le legologolo le le tlagos, go tšea phefo ya godimodimo go phaolla ledimo lela. Gomme go bjalo le lehono! Gomme bohole re a tseba gore re na le ledimo le le tlagos. Gomme Phefo e nnoši ke e tsebago, yeo e ka go phaollago ledimo lela, e tla ba Phefo yela e tšutlagos yeo e welego ka Letšatši la Pentecost. Ke a botšwa gore go ne banna le ka toropongkgolo bjale, ba bolela kgahlanong le bokomonisi, gomme ba swanetše go ba. Eupša, go no bolela kgahlanong le bjona ga se ya lekanelo, re swanetše go hwetša mokgwa wa go phaolla selo. Gomme ka gona go selo se tee feela se ka kgonago go phaolla ledimo lela, gomme, seo ke, Ledimo le maatla kudu le ka kgonago go le nyamiša le go fetola tsela ya lona.

<sup>46</sup> Gomme baprofeta ba ba boso ka Florida ba nepile gabotse ka go profeta ga bona. Ba beetšwe morero woo, go sebotša batho.

<sup>47</sup> Ke be ke bala, ke a lebala feela bjale, ke a dumela e be e le ka go kuranta, ka ledimo mengwaga e se mekae ya go feta, le le bego le le tseleng ya lona go kgabaganya Florida, bogare bja Florida, gomme dikgao tšohle tikologong ya Okeechobee e—e seboditšwe. Ke sa tšo tloga fale e ka ba dibeke tše tlhano tša go feta. Gomme go be go le moagišani monna yo a bego a kgomagana le seyalemoya nako yohle, ka baka la madimo a, gomme o be a le Mokriste wa go tsebega kudu. Gomme o kwele gore mamogašwa wo mogolo o be a etla ka tsela yela, o phetlaganya mehlare, gomme yo mongwe le yo mongwe o seboditšwe go ya polokegong.

<sup>48</sup> Gomme o naganne ka moagišani wa gagwe yo a bilego le polasa ya dikgogo, le meago ye mengwe ye bohwefo ka matsuana a bona ka go yona, dintlo tša tšona tša bophaphašetšo, le go ya pele, le digola tša tšona. Moo, tšohle tše ba bilego natšo ka bophelong di be di tlemilwe le mantswiana a, ka go iphidiša ga bona. Gomme o kitimetše ka pela, ka tlalelo, godimo keiting, gomme a emiša koloi ya gagwe le go tabogela ntle, le go re go moisa yo, “Tšeа mantswiana ohle gomme o a bee ka go sesirelo sa gago sa ledimo, gomme o kitimele godimo go sa ka, gobane go tla ledimo la mamogašwa goba ledimo leo le yago go phetlaganya se sengwe le se sengwe.”

<sup>49</sup> Gomme monna o eme le go mo lebelela ka sefahlegong, le go mo sega, le go re, “Ditšiebadimo! Ke ba kwele ba akanyetšapele dilo tše bjalo pele, gomme ga se nke tša direga.”

<sup>50</sup> Gomme moagišani wa Mokriste o be a thantshetšwe kudu, o rile, “Eupša go ka reng ge e ka direga?”

<sup>51</sup> Re kwa ditshwayo go swana le yeo, go bapela le mothalo, “Ke kwele ka se se ya go direga, gomme seo se ya go direga.” Eupša go ya go direga le lengwe la matšatši a! Gomme go a re swanela go theetša tshebotšo ye nngwe le ye nngwe.

<sup>52</sup> Eupša monna yo o rile, “Ga ke na le nako ya bošilo bjo bo bjalo. Ke godiša mantswiana, gomme ga ke na le nako ya se sebjalo.”

<sup>53</sup> Gomme a goelela! Moagišani a re, “Leineng la Modimo,” a re, “tlogela mantswiana ao a nnoši gona, John, gomme etla ka pela, wena le lapa la gago. Ge o sa nyake go e dumela, a nke lapa la gago le tle.”

<sup>54</sup> Gomme o rile, “Nka se be le bana ba ka go thantshelwa godimo ga ditshebotšo di se kae tša seyalemoya. Bana ba ka le nna re tsere sephetho re tla phela bjalo ka ge ke phela. Gomme mosadimogatša wa ka o tla ntheetša gobane ke nna mofepi wa lapa le, gomme o swanetše go ntheetša. Ke nna molaodi fa, gomme nka se be le bana ba ka bohle go thantshelwa goba go kgeilwa ka ditšiebadimo tsoko.”

<sup>55</sup> Gomme moagišani o gonnwe, Gomme o ile legaeng la gagwe, go ya ka sešireletšong sa gagwe.

<sup>56</sup> Gomme, gohle ka pela, maru a be a le godimo ga gagwe pele ba e tseba! Yeo ke tsela ye kahlolo e rathago. E tla ka pela kudu, le makala ka fao e ka go fihla fale ka pela kudu. Ka fao ke bonego banna ba babe, bao gatee ba rogakilego Modimo, ba ewa le go goelela, le go re, “O ka kgona bjang go ntshwara ka tsela ye?” Ka moka, motheo wo mongwe le wo mongwe o swietšwe go tloga ka tlase ga gagwe mo nakwaneng. Go a putsa go tsea tshebotšo.

<sup>57</sup> Oo, o ka no sega motseta, o ka no kgona ebile go mmolaya. Eupša, o ka se bolaye Molaetša, O tla ya pele feela go swana. Molaetša wa Modimo ke wa Gosafelego. Mantšu a Gagwe a ka se tsoge a palelwa.

<sup>58</sup> Paulo o be a atlegile ka go ba le Stefano a kgatlwa ka maswika. Eupša gohle go kgabola bophelo bja gagwe, go fihla a ineetše go Kriste, o be a sa tsoge a kgona go tloga go Molaetša wola, “Ke bona magodimo a bulegile, gomme Jesu a eme ka seatleng se setona sa Modimo.” Se sengwe se mo swere. E be e se motseta, e be e le Molaetša wo a bego a na le wona.

<sup>59</sup> Ge ledimo le be le swiela go kgabola naga, le swere ntlo ya kgogo le molemi, gomme ga se ba tsoge ba hwetša mmele wa gagwe.

<sup>60</sup> Gomme mosadimogatša wa gagwe, a elwa ka tlalelo. Gomme ba be ba dula kgauswi le Letsha legolo la Okeechobee, gomme meetse a thoma go pgagama bjalo ka madimo a mmamogašwa a phagamišitše meetse tsela yohle go tloga botlase bja letsha. Ke seo se a dirago kotsi kudu; ga a iše, dikepe di a tshelatshela, gomme ke ka mokgwa wo maphotho a tlidego godimo le go phethola dikepe ka fase ga wona. Madimo a a tla gomme a no dikološa meetse gomme a a rwalela lebaka ladimaele. Gomme meetse a a swiela, go fihla, mme o tsebile gore go be go se kholofelo eupša go tliša bana ba gagwe godimo ga moago. Gomme o tšere bana ba gagwe, gomme a ba tliša ka godimo ga moago, a swareletše go ditšhimine tša ntlo.

<sup>61</sup> Gomme diphoofolo tša lešoka, Cottonmouth Moccasin, ke a dumela, noga ya go bolaya kudu go feta Diamondback Rattler ya lena. Di be di gogobela go ya poloegong, gomme di tlide godimo ga tlhaka le yena. Gomme ka go theetša monnamogatša wa gagwe, a sa ele šedi tshebotšo, o ile a swanela go . . . o tibile gomme a itia, eupša o ile a swanela go ema le go bogela dinoga tsela tše šoro di lomile bana ba gagwe go fihla ba ehwa hlakeng. Gomme mme yenamong o be a lonngwe kudu go fihla mafelelong a ehwa, yeo ke tsela e nnoši re nago le kanegelo. Ka morago ga ge ledimo le homotše, le diphathi tša go puruputša di tsoma mebele, le go ya pele, ba mo hweditše a robetše godimo ga tlhaka, le bana ba gagwe ba robetše lehlakoreng la gagwe.

<sup>62</sup> Oo, go a putsa go tšea tshebotšo! Selo sa pele go dira, pele go ka ba tshebotšo, go swanetše go ba tokisetšo e dirwe bakeng sa polokego, goba ga go tlhokego ya go romela tshebotšo. Gomme tshebotšo e no ba segalontšu sa yo a nago le wena go lokišetša kotsi. Go swanetše go ba tokisetšo ye e dirilwego pele. Gomme ka gona ge tokisetšo e dirilwe, gona tshebotšo e ka kgona go ya pele go go dira go dira sephetho sa gago, ge eba o nyaka go e theetša, goba aowa. Ge o sa nyake go e theetsa, gabotse, go tšwa go wena. Ge o e theetša, go na le polokego.

<sup>63</sup> Modimo o na le mokgwa wo o swanago. Re šoma ka mokgwa wa Modimo, ka tsela yeo. Modimo, ka matšatšing a pele, ge lefase la pele ga meetsefula, ge batho ba bile ba babe le go tlala sebe kudu, gore Modimo a ka se kgone go lebelela godimo ga yona le go ba toka.

<sup>64</sup> Modimo o lokile, gomme O na le melao. Ge melao yeo e robilwe . . . Molao e ka ba ofe woo o robilwego, o se nago kotlo go ona, ga se molao. O ka se kgone go roba melao ya Modimo ntle le go ba le tefo bakeng sa yona felotsoko. O swanetše go e dira. Beibele e rile, “Eba le nneta dibe tša gago di tla go hwetša.”

<sup>65</sup> Gomme sebe ke eng? Ke rata go ema fa feela nakwana. Batho ba bantši ba nagana go kgoga disekerete ke sebe. Ga se sona. Batho ba bantši ba nagana gore maaka ke sebe. Ga se sona. Go dira bootswa, seo ga se sebe. Tšeо ke ditholwana tša gosedumele. Wena, lebaka le o dirago dilo tšeо ke ka baka la gore o mosedumele.

<sup>66</sup> Fao go dilo tše pedi feela, tšeо ke, e ba gore o modumedi goba mosedumele. Ge o le modumedi, ga o dire dilo tšeо. Ge o di dira, ga ke tsebe ke mohuta mang wa boipolelo o nago nabjo; eupša, ge o dira seo, “lerato la Modimo ga le ka go wena.” Beibele e boletše bjalo! Re na le boipolelo bjo bontši kudu ntle le go bo rua; polelo ye ntši kudu, gomme ga ba e phele.

<sup>67</sup> Ke a nagana, ebile, re na le go ikatiša mo gontši ka dithero, le go se phele dithero tša go lekanelo. Go tla ba kaone kudu ge re ka phela theroyrena, yo mongwe le yo mongwe wa renatobe a tla ba modiredi. Go kaone go mphelela therogo phala go ntherela e tee. Beibele e boletše gore, “Le diepistola tše di ngwadilwego tša Modimo, di balwago ke batho bohle.” Kafao, go kaonekaone go phela theroy.

<sup>68</sup> Sebe ke ka gobane ga o dumele. A Jesu ga se a re, mo matšatšing a nama ya Gagwe mo lefaseng, a ga se A bitša . . . Batho ba ba bego ba ka se aketše, ba ba bego ba ka se utswe, ba ba bego ba ka se dire bootswa, banna ba go loka, bareri, baprista, O rile, “Ke lena ba tataweno, diabolo,” gobane ga se ba dumela go Morwa wa Modimo. “Yo a sa dumelego o šetše a ahlotšwe.”

<sup>69</sup> Nako ye nngwe ya go feta, ke e dirile, ke dira dipitšo tša aletara. Ke rata Johane 5:24. “Yo a kwago Mantšu a Ka, gomme a dumela go Yena yoo a Nthomilego, o ne Bophelo bjo Bosafelego;

gomme a ka se tle kahlolong, eupša o fetile go tloga lehung go ya Bophelong.” Yo a dumelago!

O rile, “Seo se bohwefo gabotse.”

<sup>70</sup> Aowa, seo se tebile gabotse, gobane, “Ge o dumela!” “Ga go motho a ka bitšago Jesu ‘Kriste,’ feels ka Moya wo Mokgethwa.” Ge o na le Moya wo Mokgethwa, gona o dumetše go Bophelo bjo Bosafelego, gomme o na le Bophelo bjo Bosafelego. “Yo a kwago Mantšu a Ka, gomme a dumela go Yo a Nthomilego, o na le Bophelo bjo Bosafelego; gomme a ka se tle ka kahlolong, eupša o fetile go tloga lehung go ya Bophelong.” Tokišetšo, go itokiša!

<sup>71</sup> Gomme Modimo o bone bobe bja lefase, gomme o bone moloko wola wo mobe le bootswa, gomme bokgethwa bja Gagwe ga se bo kgone go e kgotlelela gape.

Oo, go lefase le la sebe!

<sup>72</sup> Ke eme letšatši le lengwe, tseleng ya ka go ya krosaring, le mosadimogatša wa ka. Gomme re be re bolela ka mohumagadi yo a itšego yo moswa wa toropokgolo ya rena. Boso bja go tonya ka kgonthę; gomme a apere jase ye nnyane ya mafonokana, gomme a apere bohlaswa, a apere dišothi tšela tše nnyane, tše ba di aparago nakong ya selemo; gomme go dikgapetla tše nnyane tša kapoko mo mobung. Gomme mosadimogatša wa ka o rile, “O a tseba mosadi yola a ka se kgone go iketla.”

Gomme ke rile, “Aowa. O no se be ka monaganong wa gagwe wa maleba.”

Gomme o rile, “Gabotse, o a tseba o ya sekolong se se phagamego.”

<sup>73</sup> Ka gona ke rile, “A ka no ya sekolong sa go phagama, eupša seo go le bjalo ga se dire se sengwe le se sengwe gabotse.” Ka re, “A ka se kgone go ba gabotse kgopolong.”

<sup>74</sup> Ge re eya ka Jeremane. Ke be ke le ka Jeremane nako ye nngwe ya go feta, ka kopanong ye kgolo moo Morena a bego a re fa tikologong . . . go dikologa disoulo tše dikete tše lesome, bošego. Gomme ke be ke maketše kudu bošegong bjo bongwe ge ke etla go tšwa kopanong, le—le go theoga mokgotha go lefelo moo ke bego ke laleditšwe lantše ye nnyane. Gomme e be e le go tswalela ga kopano, gomme bohole Bakriste ba dutše go dikologa, ba enwa bjala. Gabotse, Amerika, Canada, le Engelane, ke ditšhaba di nnoši ke tsebago gore di ganetša Bakriste go nwa. Ga ba tagwe; eupša rena Maamerika. Gona ge . . . ga se ke nwe. Kafao, morago ga lebakana, fao go tlie potšišo go dikologa tafola, “Molato e be e le eng,” gore ke be ke sa nwe piri ya ka, “a e be e le ka gobane e be e se ya loka?”

<sup>75</sup> Gomme Ngaka Guggenbuhl a dutšego kgauswi le nna, yo a mphilego mohlatholli. Ke rile, “Bohle ba ngunanguna ka eng, go mna?”

Gomme o rile, “Ba makala gobaneng o sa nwe.”

<sup>76</sup> Bjale, ke a tseba go ngwadilwe: ge o le ka Roma, eba Moroma. Eupša ke rile, “Ba botše se: ‘Ga ke ba ahlole. Eupša ke tswetšwe ka tlase ga tswalo ya Monasare, ga ka swanelo go nwa.’” Ke be ke sa nyake go ba gobatša. Gomme ba e kwešišitše, ba ile thwi pele ba enwa.

<sup>77</sup> Gomme ka gona ka Italy re hweditše gabotse selo sa go swana. Le dikarolo tše ntši tša go fapano tša lefase, ge o eya ka ditšhabeng, o hwetša moyo wa setšhaba.

<sup>78</sup> Ke elwelwa Moya wo Mokgethwa o mpha tshebotšo go se ye go YMCA ka Finland. Ke be ke sa tsebe e be e le ka eng. Gomme ka tla go hwetša, ba ne basadi ba go hlapiša kua. Gomme ke dutše kgole, gomme ke be nka se ye ka gare le Ngaka Manninen le bona, bakeng sa go thutha. Gomme ke hweditše, basadi bale ba go gohla ba gohla banna. Gomme ke rile, “Seo ga se sa loka!”

<sup>79</sup> “Gabotse,” o rile, “Ngwanešu Branham, seo se no ba gabotse kudu bjalo ka ge baoki ba lena ba le ka United States.” O rile, “Ba hlahlilwe bakeng sa seo.”

<sup>80</sup> Ke rile, “Ga ke kgathale ba hlahlilwe bontši gakaakang, ga se nke ya ke ya beelwa ka tsela yeo! Modimo o ba khupeditše, le go ba dira ba fapano!” Nnete! Eupša ga ba E fe šedi.

<sup>81</sup> Ba be ba le Mafin, batho ba go makatša, eupša ke moyo wa setšhaba. E ka ba kae o yago, o hwetša moyo wa setšhaba. Gomme o tla Amerika, ka kgontho e bile le yona nako yeo, yeo ke ye mpempe ya tšohle.

<sup>82</sup> Gomme mosadimogatša wa ka o rile go nna, “Gobaneng, batho bale ba ya kerekeng, gomme ka mehla ke be ke makala gore ke ka baka la eng e be e sa ahlole letswalo la bona.”

Ke rile, “Mosadimogatša wa ka morategi, a nke ke go botše. Ke Maamerika.” O rile, “Gabotse, gobaneng, a ga re bona?”

<sup>83</sup> Ke rile, “Aowa.” Ke rile, “Re no phela fa. Eupša re tswetšwe go tšwa Godimo, Moya wo Mokgethwa wa Modimo o tla godimo ga rena.”

<sup>84</sup> Kagona, re baeti le basetsebjie fa, le ga se lefelo la rena la go dula. Eupša re nyaka Toropokgolo ye e tlago, Yeo Moagi le Modiri e lego Modimo. Kagona, ge o tswetšwe ka Godimo, o ne Moya wo Mokgethwa o etla fase go tšwa go Modimo, woo o fetolago tlhago ya gago. Ga go kgathale, kgaetšedi wa gago, mmago, mogwera wa gago—wa gago yo mokaonekaone a ka kgonia go apara ka tsela yeo; eupša Mokriste yo a tswetšwego ke Moya wa Modimo, o tswetšwe go tšwa Godimo, gomme Moya wa bona ke wa Mmušo wo mongwe. Oo, ke thabela seo kudu! Bonolo bja Moya wo Mokgethwa; go O latela, go O šetša, ka fao O itshwarago, go go dira o itshware.

<sup>85</sup> Yeo ke tsela ye go bileygo ka matšatšing a Noage, gomme Modimo o ile a tlatšwa kudu ka wona! Eupša pele A be a ka romela ledimo go senya lefase lohle, Modimo o direle ditokišo

bakeng sa bao ba bego ba nyaka go dula ka ntle ga lona. Gomme ke kgona go bona Noage a eme mojakong wa areka, a rera toko. Oo, go be go se ba bantši ba bego ba tla mo theetša.

<sup>86</sup> Ba be ba le se sengwe boka lehono. Ba nyaka boithabišo, e sego Ebangedi. Madimabe go baebangedi ba ba Hollywood ba ba boifago go bitša sebe “sebe!”

<sup>87</sup> Re hloka ba bangwe ba fešene ya kgale, bareri ba bomorago bja sethokgwa bao ba nago le Moya wo Mokgethwa, ba ba sa boifego go rera Ebangedi ka diatla tša bona tša go ponoka, di se tša khupetšwa ka mohuta wa tlelafo ya rapa; eupša ba rera go Tla ga Morena Jesu, kahlolo bakeng sa ba babe, le Legodimo go baloki, le go batamela ga kgauswi! Ke sehla sefe? Ga ke tsebe, gomme ga go yo mongwe gape a tsebago. Eupša ke tla sebotša moloko wa ka. Ge e ka tla bjale, ke nyaka ba sebotšwe.

<sup>88</sup> Ke kgona go bona Noage ka mojakong wola wa yona areka. Oo! Ke tla no rata go dumela selo se tee, go be go se ka tsela yeo; eupša Noage a eme ka mojakong wola, tsela e nnoši go ya polokegong.

<sup>89</sup> Ke kgona go bona Moshe, moragwana, a eme mojako, ka madi godimo ga lentlele, a rera kahlolo, ka madi godimo ga lentlele.

<sup>90</sup> Lehono, Jesu ke Mojako go ya lešakeng la dinku, badiredi ba Ebangedi ba eme Mojakong wola, ba phophotha le phuthego go tla polokegong.

<sup>91</sup> Gomme ga go pelaelo eupša se go bilego ba bantši ba segilego Noage, ba dirile metlae ka yena. Beibele e rile, “Ba be ba le bakweri.” Ke kgona go no ba kwa ba bolela se sengwe boka se, “Noage, ge o se ne boithabišo tsoko bjo bokaonana go feta bjoo, re tla no dula gae.”

<sup>92</sup> Lefase lehono, Amerika, ga le nyake Ebangedi. Ba nyaka boithabišo. Ba swanetše go ba le se sengwe go ba tloša bodutu; boati bja mmino wa mabai, goba se sengwe boka seo, goba mohuta tsoko wa phathi, mohuta tsoko wa porai. Tšeo, tšona dilo di lokile, ka ntle ga kereke. Eupša kereke ke moo kahlolo e swanetšego go rerwa ka Maatleng a tsogo ya Morena Jesu, le tshebotšo. Kahlolo e thoma ka ntlong ya Modimo! E sego diphathi; kahlolo!

<sup>93</sup> Loto o seboditšwe. Gomme ge Barongwa, le ge a be a sa tsebe ba be ba le Barongwa, ge ba ile tlase, molaetša wa bona o be o le go Sodoma, “Etšwang lefelong le la sebe! Modimo o le file tsela ya go phonyokga. Tšwelang ka ntle ga lefelo le la sebe!”

<sup>94</sup> Jesu o rile, “Bjalo ka ge go bile bjalo matšatšing a Sodoma.” Lebelelang gore ke mohuta mang wa bophelo ba bego ba bo phela. Gomme Jesu o bapeditše letšatši lela le letšatši le. Sebe!

<sup>95</sup> Šetšang ge Loto a ile go botša batho ba gagwe. Ba mo segile, ba dira metlae ka yena. “Gomme dibe tša toropokgolo,

di tlaišitše soulo ya gagwe ya go loka.” Molaetša wa Barongwa o be o sa ba hidue, o be o se na le khuetšo godimo ga bona. Eupša ba kgopetšwe go tšwa, gobane kahlolo e be e le godimo ga toropokgolo, gomme Modimo o be a eya go tliša ledimo la mollo godimo ga toropokgolo. Gomme ba ganne go sepela. Ba ganne go tšwela ntile. Ba be ba kgotsofetše ka dibe tša bona.

<sup>96</sup> Batho lehono ba bonala ba iketla kudu ka sebeng, gobane re beng ba koloi ye mpsha, gobane re ka ja dijo tše tharo ka letšatši, ra robala malaong a go hlweka. Seo se a makatša. Eupša, seo se tla ba gabotse, eupša re lebala Modimo ge katlego e etla ka mokgwa woo. Ke nagana re bile bjalo. Rena bareri le rena Bakriste o bile le kgahlego kudu ka go—ka go lenaneo la go aga dikereke tša rena le go hwetša kereke ye kaonana, goba se sengwe boka seo, goba kereke ye kgolwane, dipanka tše kaonana. Goba, le tseba ka fao le se ke se rago. Gomme re tlogetše selo sonasona: kahlolo, toko, Maatla a Moya wo Mokgethwa, tsogo, kahlolo ya Gosafelego.

<sup>97</sup> Morongwa ga se a ke a šitwa go rera molaetša. Le ge ba lekile go Ba thibela, eupša molaetša wa Bona o ile pele feela go swana.

<sup>98</sup> Bjale, a le lemogile, go no swana le monna yo a rego, “Ke ya go gana go dumela letšatši le a phadima. Nka se be le selo gape go dira le letšatši.” O tswalela mahlo a gagwe, gomme o ya tlase ka lebatong la gagwe la ka tlase la ntlo ya gagwe, gomme o rile, “Ke no gana go tseba letšatši le a phadima.”

<sup>99</sup> “Gobaneng,” o re, “Ngwanešu Branham, monna yola, o tla ba se sengwe sa phošo ka yena kgopolong.”

<sup>100</sup> Gabotse, motho yo a tla ganago Jesu Kriste, o na le mabaka a go swana. Moya wo Mokgethwa o kgonthe kudu go feta phadimo ya letšatši. Letšatši le tla šitwa, eupša Moya wo Mokgethwa o ka se kgone go šitwa. Ga se seetša feela sa sekwi sa pono, eupša Se bonegetše soulo, Seetša sa letago seo se re hlalhelago go Modimo, yo a ganago . . . goba go tšweletša, ke ra gore, Khalibari go rena, le ditlaišego tša Morena Jesu; kahlolo ye e tlago, le go phonyokga go bao ba nyakago go tla. Bokaone ke be sefofu ka go felela, nameng, gomme ke be le pono ya ka ya semoya; go feta go ba go foufala ka go felela, semoyeng, le go ba le go bona ga ka ga tlhago. Ke nyaka go ba le go bona ga semoya.

<sup>101</sup> Hlokamelang, phošo e tla ba eng ka monna yola? Bao, bagwera ba gagwe, ba be ba tla tla gomme ba re, “Jim,” John, goba e ka ba eng leina la gagwe le ka bago, “o phošo. Etšwa go kamoratlase yela ya kgale ya go hupelana, yamouto.”

<sup>102</sup> Gomme o tla ema le go re, “Ke tla le botša, ke kgotsofetše moo ke lego!” Ga a nyake go—go amogela phadimo ya letšatši. Ga a nyake mahlasedi a lona a phodišo. Ga a nyake bobotse bja lona, bo—bo borutho bja lona bakeng sa bophelo bja gagwe. Se sengwe se tla ba phošo ka monna.

<sup>103</sup> Gomme go bjalo ka monna goba mosadi yo a nyakago go dula ka go lefase la go hupelana, a tswaleletšwe ka go sebe sa mouto sa gosedumele, gomme a re, “Matšatši a mehlolo a fetile. Ga go selo se se bjalo bjalo ka phodišo Kgethwa. Ga go Moya wo Mokgethwa.” Ke ka gobane o gana go tšwela ka ntle ga mouto le magolo a diabolo, le a hele, le a sebe, le a boikgogomošo.

<sup>104</sup> Sepelang ka go Seetša sa Ebangedi, se se tla le tlišetšago borutho! Oo, Se boiketlo bjang! Go bona dikahlolo tše di tlag, le go ikwela maikutlo ale a khomotšo a Moya wo Mokgethwa! Le ba kwe ba bolela ka dipomo tša athomo? Gomme e no nagana se se diregilego, khutšo ye e fetago kwešišo! Gobaneng, pomo e ka se tšwe ka ntle ga sethunya go fihla re tla ba ka Bogoneng bja Jesu, ka Bophelo bjo Bosafelego; rena batho ba go tšofala, morago baswa gape; masea, godimo go lebaka; go se sa na lehu goba manyami. Oo! A selo sa go makatša! O ra gore monna o tla gana go tla ntle le go sepela ka go Seo? Go na le se sengwe sa phošo ka yena.

<sup>105</sup> Mafelelong, ge a sa hwetše seetša sa letšatši, o fetoga yo mosehla. O ba yo mosehla ka kgonthé, balwetši ba tsena ka gare go yena.

<sup>106</sup> Ke seo e lego bothata ka lefase lehono. Seo ke se e lego bothata ka bontši bja dikereke tša rena lehono. Re ba go hloka madi. Re hloka tšhelo ya madi. Bosehla, gobane re a palelwa, go phelega ga rena ga semoya go a re palediša. Ga re sa na phišegelo gape, go tsoma disoulo, go—go sebotša batho, go hwetša baagišani ba rena, go hwetša bagwera ba rena, monna wa maswi, mošemane wa pampiri. E ka ba eng e lego, go iša yo mongwe go Morena Jesu! Re ba basehla; re šitwa go sepelela ntle ka Seetšeng, e lego monyetla wa rena; re palelwa go dumela ka go go phelega ga Modimo, ka phodišo Kgethwa.

<sup>107</sup> Ke botšwa ka Beibeleng gore go tla ba nako ye e tlag, bakeng sa bao ba sego ka go Seetša se sa go makatša sa Morwa, gore dinonyana tša sebakabakeng di tla ja nama ya bona; gore malwetši a tseleng ya ona, ao dingaka di ka se tsoge tša kgona go a thibela. Ke dikotlo tša Modimo.

<sup>108</sup> Dingaka tša Baegepeta, tše di bego di le bohlale kudukudu go feta tša rena lehono, di be di sa kgone go emiša dikotlo tša Modimo, ešita le babolelamahlatse ba bona ga se ba kgona goba baekiši ba bona. Go tšere Gosene, le Maatla a Modimo, go swara batho ba Gagwe; ka tlase ga madi a kwana!

<sup>109</sup> Moya wo Mokgethwa ke Mojako woo lehono. Moya wo Mokgethwa ke polokego yela lehono.

<sup>110</sup> Ke be ke le ka kopanong e se kgale botelele. Ke lebeletše ngwa—ngwa ngwanešu wa lekhalate a dutše fa, ke a nagana, yena le mosadimogatša wa gagwe. Gomme ke be ke mo šeditše ge e sa le ke be ke rera, a dumela ka hlogo ya gagwe, le go thakgala ka kopanong. Gomme go no ntliša go mo—mo monagano.

<sup>111</sup> Go be go le mošemane a etla ka kopanong, nako ye nngwe. Gomme ka pela ge tirelo e fedile, o kitimetše go nna, gomme o rile, “Modiša!” O be a le Motšwaborwa. Gomme o rile, “Modiša, ke nyaka go hwetša Morena Jesu, bošegong bjo.” Ke be ke na le tirelo ya phodišo.

<sup>112</sup> Gomme ke rile, “Ka kgonthe, ngwanešu wa ka, ke thabile kudu go feta go go hlahlela go Yena.”

<sup>113</sup> O rile, ka morago ga ge a file pelo ya gagwe go Morena, o rile, “Ke a makala, ke a thankā o makala gobaneng ke kitimela godimo, ntle fa ka mokgwa wo.” O rile, “Ke kwele o be o le ka toropongkgolo, gomme ke nno tla godimo go bona eng, go go bona.” O rile, “Ke tla go botša kanegelo ya ka.” O rile, “Ke na le, bontši goba bonnyane, ke bile moneneri.” O rile, “Mme wa ka wa kgale o be a le Mokriste wa kgonthe. Dikgaetšedi tša ka e be e le Mokriste. Ke na le ngwanesu yo motee wa Mokriste.” O rile, “Ke be ke le, lesea la lapa, le ngwana wa go tepeletšwa, sa mathomo, gobane ba ntemile, ba be ba ntoketše kudu.” Eupša o rile, “Ke be sa ele šedi go mme wa ka goba meloko ya ka ya bomodimo. Ke be ke nyaka go ba moneneri. Ke be ke nyaka go phela ‘bophelo bja monna.’” O rile, “Ke naganne gore go beng Mokriste go be go le bontši boka basadi, goba go fokola.” O rile, “Gomme ke bile moapei, gomme ke be ke le gabotse kudu go kgwebo ya ka.”

<sup>114</sup> Gomme o rile, “Se sengwe, se sengwe, ke nyakile go ya Leboa. Gomme letšatši le lengwe ke be ke thekeselela ka gare godimo ga kampa ya meketla, moo ba bego ba ripa legong la meketla. Gomme ke be ke se na tšhelete. Gomme ka re go foromane, ‘A o ka kgona go šomiša moapei?’” O boletše ditshwayobotse tša gagwe, tše a bilego le tšona ka potleng ya gagwe, go tšwa mafelong a go fapania a magolo moo a bego a le moapei.

<sup>115</sup> Gomme o rile, “Gabotse, re ne o tee bjale.” O rile, “Eupša, go le bjalo, go fihla o kgona go ya tikologong, re ka kgona go go fa tšhelete ye nnyane nthathana ka lehlakoreng. Re na le mosadi wa lekhalate yo mogolo ka kua bjale, yo e lego moapei yo mobotse. Eupša eya ka gare, bolela le yena, mohlomongwe a ka kgona go go šomiša. Gomme ge a ka kgona, re ka kgona go go fa tšhelete ye nnyane ya go šomiša go fihla o emelela ka maoto.”

<sup>116</sup> O rile seo se be se lokile ka fao a bego a nyaka. Gomme o rile o ile ka kua, gomme o kopane le mokgekolo, gomme o rile o mo thusitše tikologong lebakala matšatši a mabedi goba a mararo.

<sup>117</sup> Gomme bošego bjo bongwe, o rile o be a robetše fale, gomme o rile o “Tšwetšepele go lemoga mepekenyo go kgabaganya lehlakore la leboto.” Gomme morago ga lebakana, o maketše, “A ke, a yo mongwe o ka ntle?” Gomme o rile, morago ga lebakana o “kwele mo—mo mororo wa go teba, gomme e be e le modumo.” Gomme o rile, ka ntle o “kwele digalontšu tše dingwe do bolela, gomme di rile, ‘Le a tseba, bokaone re boele morago go dipere, le

go di hlokomela, gobane re ka no se be fa botelele kudu.”” O rile o tšere seapešo go tloga hlogong ya gagwe, le go theetša godimo lebotong. Gomme legadima le pekentše, gomme o bone molaodi wa gagwe le sehlopha. Gomme o kwešišitše, ka polelo ya bona, gore go be go etla ledimo go kgabaganya dithaba.

<sup>118</sup> Leo re le bitšago, godimo ka dinageng tša leboa, “moleboa,” le tla ka pela, ntle le tshebotšo. Ga o ne nako go dira selo. Dithaba di godimo kudu, di no phulega thwi godimo, ka pela.

<sup>119</sup> Gomme go pekenya gola e be e le legadima. Gomme o rile, “Le a tseba, re ka no se be mo morago ga lebakana.” O rile, “Leo le kwagala boka morunyo wa go šiiša o etla.”

<sup>120</sup> Gomme ka gona o rile, “Ke thoma go nagana, ‘Gabotse, ke a holofela ga le rathe fa,’ o rile, ‘gobane ke a tseba ga ke komana go sepela.’” Dinako tše dingwe le leta botelele kudu, le a tseba.

<sup>121</sup> Kafao nako yeo o rile, “Feela mo dinakwaneng di se kae, phefo ya thoma go foka, gomme mehlare ya thoma go šikinyega.” Gomme o rile o theeditše. Seila e be e le magareng ga gagwe le moo mo—mo mohumagadi wa kgale a robetšego, gomme o rile, “O be a itia godimo ga seila yela. O rile, ‘Morwa? Oo, morwa?’”

O rile, “Ee?”

<sup>122</sup> O rile, “A o ka tla godimo lehlakoreng la ka? Ke na le lantere e gotteditšwe.” Gomme o rile, “Ke ile godimo go yena, gobane ke be ke tšhogile, go iša lehung.” Gomme o rile, “O be a na le lantere e dutše godimo ga lepokisi la kgale la sešepi. Gomme o rile, ‘Ke tla rata go go botšisa se sengwe.’”

O rile, “Ee, meme.”

O rile, “A o komana go kopana le Morena?”

O rile, “Nako yeo ka kgonthe ke ile ka tšhoga. O rile, ‘Aowa, meme, ga ke yona.’”

<sup>123</sup> “Gabotse,” o rile, “hani, ke nyaka o mpotše se sengwe. Bokaone o loke bjale, ka gobane o ka no swanelo go kopana le Yena, o sa itokišetša, mo metsotsong e se mekae ya go latela.” O rile, o rile, “A o tla khunama le nna fa?”

<sup>124</sup> O rile, “Re khunamile fase ka lehlakoreng la lepokisi lela la kgale la sešepi.” O rile, “Modiša, ke ya go go botša therešo, ke be ke tšhogile kudu go rapela.” O rile, “Mehlare e be e tulagana kgahlanong le moago wola, gomme legadima le gadima, medumo e šikinyega. Ke be ke tšhogile kudu go rapela.” O rile, “Ke thomile go re, ‘Morena, eba le kgaogelo,’ gomme *thwa* gwa ya legadima. Ke be ke tla re, ‘Ke be ke le kae? Morena, eba le kgaogelo,’ *thwa* gwa ya legadima.”

<sup>125</sup> O rile, “Eupša ke ithutile thuto.” O rile, “Mosadi yola wa mokgethwa wa kgale o dutše feela go fola le go thaba ka mo a bego a kguna go ba.” O rile, “O boletše le Yena boka a Mo tsebile

ge e sa le a be a le lesea, boka A be a le tatagwe goba mmagwe.” O rile, “O be a se sa tshwenyega kudu go feta selo.”

<sup>126</sup> O rile, “Ke be ke tšhogile go iša lehung.” O rile, “Mafelelong ke ntšheditše mantšu a ntle, gomme ke rile, ‘Morena, ge O ka no ntumelela go phela, gomme ke tla hwetša lefelo moo go homotšego kudu, ke tla tla go Wena.’”

<sup>127</sup> O na le sebaka se sengwe, eupša o ka no se ke. Ge dikahlolo tša Modimo di thoma go tšhologa, ga go sa na sebaka. O na le sebaka sa gago bjale. Se ke sebaka sa gago.

<sup>128</sup> Ledimo le be le le godimo ga gagwe! O rile, “Modiša, a go a kgonega go monna boka nna go phuthelwa ka go polokego yela; gore ge lehu le thoma go tla godimo ga ka, gore ke kgone go tsena godimo go bolela le Yena, boka mokgethwa yola wa kgale a dirile?”

<sup>129</sup> Ke rile, “Morwa, Madi a Jesu Kriste, ao a mo dirilego ka tsela yela, a ka kgona go go dira ka tsela yela thwi bjale.”

<sup>130</sup> Ke be ke eme hleng le sefatanaga sa ka. O be a le mošemane wa go apara gabotse, wa boitshwaro, a rutegile. O wele ka matolo a gagwe, ka jarateng ya leraga; gomme fao a hwetša Lefelo lela la go khuta, Botšhabelo bjola ka go nako ya ledimo, Leswika lela ka go naga ye e lapilego.

<sup>131</sup> Ga wa swanela go kgathala ge feela o le ka go Leswika. Leswika ke lefelo le letee leo le sa lapego. Leswika ke lefelo la go kgotsotša. O ka no kgona go dula morago le go lebelela ntle, feela ka go bolokega ka mo o kgonago go ba.

<sup>132</sup> Go ne iri ye e tlago, gomme bjale ke yona, (gomme go tswalela go kgauswi le go fela), gore moo monna le mosadi yo mongwe le yo mongwe godimo ga sefahlego sa lefase ba yago go ba ka go lefelo lela la Botšhabelo, boka go bile matšatšing a Noage, goba ka ntle ga Lona. O swanetše go dira sephetho sa gago. Polokego yeo ke Jesu Kriste. Gore, Yena ke Lefelo le nnoši, Yena a nnoši yo a nago le Bophelo bjo Bosafelego. Ga go motho a ka tlago go Tate, eupša ka Yena. Yena ke Areka ya polokego ya rena. Moya wo Mokgethwa o bea bohlatsle rena bjale, gore re fetile go tloga lehung go ya Bophelong.

<sup>133</sup> Gomme ge re lebelela lebitla, le go tseba gore yo mongwe le yo mongwe wa rena o ya kua!

<sup>134</sup> Re bona dikuranta, le ledimo le le tlago! Ge le eya gae bošegong bjo, ntireleng kgaogelo e tee, le se ye malaong go fihla le bala Kutollo, tema ya 8. Le bona dikotlo tše di tlago le ledimo le le swanetšego go betha lefase, gomme medumo le magadima a ya go šišinya legodimo. Madimabe a ya go feta godimo ga setšhaba. Motho o tla bola ka nameng ya bona. Malwetši a tla ba ratha, dingaka ga di tsebe selo ka yona.

<sup>135</sup> Eupša elelwang, pele seo se direga, go bile le go tswalela go ilego pele! Gomme barongwa ba lehu le dikotlo di romilwe

ke Modimo, “Le se tle kgauswi le e ka ba ofe wa bale ba nago le Leswao phatleng ya bona!” Gomme Leswao la Modimo ke kolobetšo ya Moya wo Mokgethwa. Baefeso 4:30 e re, “Se nyamišeng Moya wo Mokgethwa wa Modimo, wo le swailwego ka wona go fihla letšatši la lena la topollo.” Ga go kgathale areka e be e rethetha thata gakaakang, ga go kgathale ke makga a makae legadima le rathilego kgauswi le yona, “Dikete tše lesome di tla wela go la go ja la gago, gomme dikete go la nngele la gago, eupša e ka se tle kgauswi le wena.” Moya wo Mokgethwa!

<sup>136</sup> Ke badile ka ga, “Monamedi wa pere ye tshehla a eya ntle, yo a bitšwago ‘Lehu,’ gomme Hele e mo latetše.”

“Monamedi wa pere ye ntsho ka selekane ka seatleng sa gagwe.”

<sup>137</sup> “Leselwana la korong ke peni, gomme maselwana a mabedi a bali ke peni, eupša le se tle kgauswi le Beine ya Ka goba Oli ya Ka!”

<sup>138</sup> Ke kwa, ka Beibele, dikahlololo tša Modimo tše di tlag, moo bolwetši, le bothata, le kotsi e tla rathago ditšhaba, gomme setšhaba se sengwe le se sengwe se tla pšhatlagana diripana. Ke badile ka Bei- . . . [Ga go selo lefelong la theipi—Mor.]

<sup>139</sup> Se sengwe le se sengwe se be se homotše. Eupša Morena Jesu o ebotše morago leswiswi go tloga mahlong a gagwe, gomme o swere ratoropo wa toropokgolo, gomme a goletša, “Ke kgoni go bona! Ke kgoni go bona!” Ge dikete di eme fale, Bomohammedan, le go ya pele.

<sup>140</sup> Ke rile, “Bjale Areka ya polokego ke eng?” Ke rile, “Ke badile ka pampiring ya lena, letšatši le lengwe, moo gore dinonyana tšohle tše dinnyane tše di bego di fela di agela ka maswikeng go dikologa legora, le ka go ditora tše kgolo tša meago khoneng.”

<sup>141</sup> Le a tseba, India ke naga ya go diila gomme ba topa maswika mo tšhemong, le go dira magora a bona. Gomme dinonyana tše nnyane di aga dihlaga tša tšona ka go maswika a, manga, le ka meleteng. Di ya ka kua gomme tša dira dihlaga tša tšona, go tšwela ka ntle ga pula. Gomme morago dikgomo, tšohle, ka morago ga sekgalela, ge letšatši le eya go kgabaganya go leba Bodikela, gobaneng, dikgomo di eme moriting wa magora a—a a itšego le ditora tše kgolo, go tsena moriting.

<sup>142</sup> Eupša, lebaka la e ka ba matšatši a mabedi, selo sa go se tlwaelege kudukudu se diregile. Dinonyana tšohle tše nnyane di hweditše masea a tšona, lesea la tšona la dinonyana tše nnyane, tšohle mmogo, gomme di fofetše kgole go tloga mabotong, gomme ebile ga se di bowe morago bošego. Di ile ntle bogareng bja tšhemo, gomme tša dula fase, dikgomo ga se tša ke tša tla godimo ka morago ga sekgalela. Di dutše kgole go tloga go maboto. Gomme di tlide mmogo, le go ema kgauswi mmogo kudu moo di dirilego moriti seng sa tšona.

<sup>143</sup> Ngwanešu, kgaetšedi, seo ke se Kereke e swanetšego go se dira! Ga re hloke moriti wa Dibabilonia tša mafekefeke lehono, tša bosebjalebjale. Re hloka ditšhegofatšo tša rena seng, mmogo, bopaki bja rena, le lerato la rena la Bokriste le boena di tšhologetše ka bophara ka pelong ya rena ka Moya wo Mokgethwa. Seo se dira moriti; ge nka kgona go tšea ngwanešu wa ka ka seatla, kgaetšedi wa ka ka seatla, le go tseba gore re badudi ba Mmušo wa Modimo; gore re ratana seng, gomme re ema mmogo ka go Morero o tee wo mogolo wo, Morero wa Kriste. Ge eba o Momethodist, Mobaptist, Mopresbyterian, Mooneness, Motwoness, Mothreeness, eng kapa eng o lego yona, ga e dire phapano, ge feela Madi a Jesu Kriste a re hlwekiša go tšwa go sebe sohle gomme re na le kopanelo seng sa rena. Seo ke se re se nyakago, boena, kopanelo!

<sup>144</sup> Di eme ka mašemong. Di ganne go ema mo moriting wa maboto. Batho ba naganne seo se be se tlaba. Ke tiro ya go tlaba. Go diregile eng? Ka moka ka pela, go tlie tšhišinyego ya lefase ye ya go šišinyetša maboto mobung. Ge nkabe dinonyana tše nnyane di ka be di bile ka fale, tšona le masea a tšona di ka be di bile boka mosadi, monnamogatša wa gagwe le masea a gagwe, ka Miami goba Okeechobee, di ka be di hwile le go wa ga maboto. Ge dikgomo di ka be di eme tikologong go tšea thekgo yela go tšwa mabotong, di ka be di hwile le maboto. Yeo e bile mengwaga ye meraro ya go feta. Ke na le sehlopha sa kuranta; aowa, Tommy Nickel o naso bjale bakeng sa *Voice* ya Banna ba Bakriste. Dihlogo tša ditaba ka lephepheng di re, “Dinonyana di boela morago mafelong a tšona. Dikgomo di tšwa tšhemong.”

<sup>145</sup> Ge Modimo, ka matšatšing a Moshe . . . matšatšing a Noage, a kgonne go sebotša dikgomo le dinonyana, go tla ka polokegong, ka arekeng, tshenyo e be e etla, ledimo. O sa le Modimo wa go swana bosegong bjo, O sa rata dikgomo le dinonyana. Gomme ge A dirile tsela bakeng sa nonyana le kgomo go phonyokga bogale bja kahlolo, ke bontši gakaakang A dirilego tsela ya go phonyokga bakeng sa gago le nna, ba e lego bana ba tlholo ya Gagwe! Ke bontši gakaakang A re diretšego tsela ya go phonyokga! Gomme re ikwela Moya wo Mokgethwa o kokota pelong ya rena. Iri e a tla. Re bona meriti ya le—le lebaka la athomo, re bona meriti ya lebaka la haetrotšene, re bona ditšhaba di šwalalana, Israele e a tsoga.

Ditšhaba di a thubega, Israele e a tsoga,  
Maswao ao baprofeta ba a boleletšegopele;  
Matšatši a Bantle a badilwe, ka tšhičo ya  
letšhogo;  
“Boang, O bašwalalanywa, gabon lena beng.”

Yeo ke tsela lehono! Bohle le tseba pina ya kgale ya Haywood.

Letšatši la topollo le kgauswi,  
 Dipelo tša batho di palelwa ka letšhogo;  
 Tlatšwang ka Moya, mabone a lena a gotetše le  
     go bonagatša,  
 Lebelelang godimo! Topollo ya lena e kgauswi.

<sup>146</sup> Madimo a a tla. Go na le Lefelo la go khuta, oo, Lefelo la go šegofala la go khuta! Le ka go Kriste.

<sup>147</sup> A re inamišeng dihlogo tša rena feela nakwana. Ke nyaka le nagane ka tlhokofalo le tlhompho, bakeng sa nakwana ya go latela.

<sup>148</sup> A le kile la hwetša Lefelo lela la go šegofala la go khuta, go tšwa bogaleng? Elelwang, ga go mafelo a mabedi a go khuta, go no ba le Letee. O ka no ba moleloko yo mokaone wa kereke tsoko, yo ke se nago bobe go bolela kgahlanong le yena. Eupša ge seo e le sohle o nago le sona, gomme bophelo bja gago ga bja bapetšwa le Puku ya Ditiro, ge Moya wo Mokgethwa wo o ipolelago go ba le wona ga o go dire o phele boka ba dirile ka go Puku ya Ditiro, gomme bophelo bja gago bo ka ngwala puku ye nngwe, bokaonana o tšee tshebotšo. Ge morara wa pele o tlišitše pele Kereke ya pentecostal; morara wa bobedi, goba lekala, a ke re, go tšwa go Morara, le tla tliša pele Kereke ye nngwe ya pentecostal, ka boitemogelo bja pentecostal, ba rwele dikenywa tša go swana tše Kereke ya mathomo e bilego le tšona. A le dula ka go bjola bja go šegofala, Bogona bjo bokgethwa bja Morena? A le fetile go tloga lehung go ya Bophelong? A le khutšitše godimo ga maikutlo tsoko, khuetšo tsoko ya saekolotši, goba polelo tsoko ya bohlale? Goba, a o dula kgafetšakgafetša ka Bogoneng bja Gagwe, ka kenywa ya Moya ka bophelong bja gago; pelofalo, bobotse, bonolo, boleta? A o ka kgona go kgotlelela yo mongwe go boleleng ka wena, gomme, o ba rata kudu, go fihla ka pelong ya gago o ba rapediša? Goba, a ke thapelo ye nnyanne ya bojato, “O Morena, ke a tseba ke swanetše go mo rapediša, eupša . . .” Oo, aowa, ngwanešu. A bobose bjola le lerato la Modimo, “Oo, swiela godimo ga soulo ya ka! O Moya wo Mokgethwa, swiela godimo ga soulo ya ka”? Ge o se wa hwetša lefelo lela la polokego, ngwanešu wa ka!

<sup>149</sup> Ke tla dira ketelo ya ka ya mafelelo ka Phoenix, letšatši le lengwe. Ye e ka no ba yona, tšohle ke di tsebago. Gomme nako ya mafelelo Ebangedi e tla rerwa godimo ga phuluphithi ye, ye e ka no ba yona, ga ke tsebe. Re lebeletše kgauswi kudu le nako ya bofelo. Israele e tlide morago go nagalegae ya yona, leswao la mafelelo le filwego.

<sup>150</sup> Ke be ke lebeletše seswantšho bošegong bjo bongwe, moo ba rwelego tša bona tša kgale, digole, go tloga sekepeng le dilo, ba tsena ka gare. Ba rile, “A le tlide morago go nagalegae, go hwa?”

Ba rile, “Aowa, re tla morago go bona Mesia.”

<sup>151</sup> Le se tshwenyege, mohlare wa mogo o a khukhuša, leo ke leswao la mafelelo. Sešupo, folaga ya kgalekgale lefaseng, e fofela godimo ga Jerusalema. Ke setšhaba sa gagwe mong bjale, le madira a gagwe mong. O ile a foufatšwa lebakana le lennyane, eupša o tla mmogo gape. Modimo o e tshepišitše. Bofelo bja Bantle bo tla ba nako yeo. Ba lebeletše Mesia.

Le a tseba, Modimo o botšišitšwe nako ye nngwe, “A O ka kgona go lebala Israele?”

<sup>152</sup> O rile, “Mafaufau a godimo gakaang? Lefase le tebile gakaakang? Le ele!”

Moprefeta o rile, “Nka se kgone.”

<sup>153</sup> O rile, “Ebile Nka se tsoge ka lebala Israele. Ke apola ya leihlo la Ka.”

<sup>154</sup> Šeleo leswao la mafelelo. Jesu o rile, “Ge le bona mohlare wa mogo o khukhuša, tsebang nako e kgauswi, le mojako.” Israele e thoma go bušetšwa. Ba na le tšelete ya bona beng, e ka ba dibeke tše nne tša go feta. O na le tšelete ya gagwe mong, se sengwe le se sengwe. Ke setšhaba sa go tlala.

Re letile eng? Go tswaleleng ga Bantle.

<sup>155</sup> Gomme leswao la mafelelo le le profetilwego go fiwa Bantle, le laeditšwe setšhaba le lefase go dikologa, bjalo ka ge ba dirile ka matšatšing a Sodoma.

<sup>156</sup> Ge A rile, “Sarah o kae, mosadimogatša wa gago?” Mosetsebje, O tsebile bjang gore e be e le Sarah? Gomme O tsebile bjang gore leina la gagwe e be e le Sarah, le mosadimogatša wa Abraham?

O rile, “O ka tenteng ka morago ga gago.”

<sup>157</sup> Gomme Sarah a sega bokagare bja gagwe mong, morago ka tenteng. Monna a re, “Ka baka la eng Sarah a segile?”

<sup>158</sup> Jesu o rile, “Ge se se etla go phethega, nako e batametše.” O šetše o e bone! E fetile. Ya go latela ke kahlolo.

<sup>159</sup> A o ka go Lefelo lela la go šegofala la go khuta, mogwera? Modimo eba le kgaogelo! Ge o se gona, gomme o rata go gopolwa bošegong bjo ka thapelong, a o ka phagamiša seatla sa gago, o re, “Ngwanešu Branham, nthapediše.” E ka ba kae ka moagong, go bea godimo... Modimo a go šegofatše, le wena, wena, wena. Seo ke se sebotse. Modimo a go šegofatše. Seo ke... Modimo a go šegofatše. E ka ba mang gape a rego, “Nkgopole, Ngwanešu Branham”? Modimo a go šegofatše, ngwanešu. Modimo a go šegofatše, kgaetšedi. Modimo a go šegofatše morago fao. Modimo a go šegofatše moragorago ka morago, mohumagadi yo moswa. Mohumagadi yola mo, Modimo a go šegofatše. Ee. Morena a go šegofatše, mohlomphegi; le wena, gape. Oo, seo se kaone. Yo mongwe gape, e no phagamiša seatla sa gago.

O re, “Ngwanešu Branham, seo se ra go reng?”

<sup>160</sup> Modimo a go šegofatše, kgaetšedi. Modimo a go šegofatše morago fao, mohlomphegi. Modimo a go šegofatše fa, mohumagadi. Seo se a makatša.

<sup>161</sup> “Go ra go reng, Ngwanešu Branham, ge ke phagamiša diatla tša ka?”

<sup>162</sup> A le a tseba, go ya ka saense, o ka se kgone go phagamiša diatla tša gago? Ge go be go se bophelo ka go wena, o be o ka se kgone go e dira. Saense ga e tsebe gore bophelo ke eng. Ba a tseba ke bophelo, eupša ga ba tsebe gore ke eng. Ga ba kgone go bo dira. Gomme ke eng? Saense e bolela seo, diatla tša gago, kgogedzi ya lefase e swere diatla tša gago fase, go swana le ge e swara maoto a gago mobung.

<sup>163</sup> Eupša o na le moya ka go wena. Gomme, moya woo, Sengwe se be se le kgauswi le wena. Jesu o rile, “Ga go motho a ka tlago go Nna ntle le ge Tate wa Ka a mo goga, pele, gomme bohle Tate a Mphilego ba tla tla go Nna.” A ga la thaba bošegong bjo go tseba gore Modimo a ka šoma ka pelo ya gago, gore go ne Šegalontšu se sennyane fale, se re, “Etlang polokegong”? Bjale hlokamelang, “Yo a tlago go Nna, Nka se mo lelekele ntle le ka mokgwa ofe.”

<sup>164</sup> Go be go swanetše go direga eng? O be o swanetše go ba le Sengwe se dutše kgauswi le wena, seo se go boditšego, “O phošo.” Oo, o ka no ba wa kereke. Eupša, “O phošo,” ga se wa be wa amogela Moya wo Mokgethwa, le bjale. Ga o ka Arekeng.

<sup>165</sup> Re tsena bjang ka Arekeng? E sego go sepela ka go Yona. Re tsena bjang ka go Yona? “Ka Moya o motee bohle re kolobeletšwa ka Mmeleng o tee.” Badumedi bohle ba kolobeeditšwe ka go Mmele o tee wola. Bjang? Ka Moya wo Mokgethwa. “Gomme maswao a a tla latela bona ba ba dumelago.” Ke rena bao, ka Mmeleng, re bolokegile.

<sup>166</sup> Ge o se, o se dumelele Sathane go go nyatša go lekanelo, bošegong bjo, go go thibela go phagamiša seatla sa gago. Gabotse, seo se tla dira eng? Se robile molao wo mongwe le wo mongwe wa saense, ge o phagamišitše seatla sa gago. Go bontšitše gore se sengwe ka go wena se dirile sephetho. Se sengwe se segolwane go feta saense, se sengwe seo se ganetšago melao ya saense, o rile, “Go ne moya ka go nna, woo o rego, ‘Ke phošo.’ Gomme go ne yo Motte a dutšego kgauswi le nna, gomme o re, ‘Nkamogelete.’ Ke phagamišitše seatla sa ka go leba moo Segalontšu se tšwago, Legodimong. Nkgaogete, O Modimo. Ke a Go hloka. Ke nyaka Moya wo Mokgethwa. Ke nyaka go ba ka polokegong. Ke nyaka dibe tša ka ka tlase ga Madi. Gomme ke nyaka go tswalelwaa ka Mmeleng wa Kriste, gore ke kgone go ikwa ke iketle, Nka ipshina ka mahlasedi a phodišo, nka ipshina ka mahlasedi a phodišo Kgethwa ka soulong ya ka, phodišo ya sebele ka mmeleng wa ka, ya go sepela le Kwana letšatši le lengwe le le lengwe, ke bolokegile. Ga go kgathale se pampiri e se bolelagoo, dikuranta; ke kwele go tšwa go Pampiri ye kgolo,

e bitšwago Beibele. Ke ile polokegong. Ga go kgathale se se diregago, ke sa bolokegile. ‘Ka gore bao,’ ge lehu le ntšea, ‘bao ba lego ka go Kriste, Modimo o tla ba tliša le Yena, ka go Tleng ga Gagwe.’ Ke sa bolokegile. Lehu ga le kgone go ntshwenya.”

<sup>167</sup> Modimo a go šegofatše, mohlomphegi. Modimo a go šegofatše. Yo mongwe gape pele re rapela, “Ke nyaka lela la go bolokega Lefelo la go dula, Ngwanešu Branham”? A go na le yo mongwe yo a sego a phagamiša seatla sa bona? Modimo a go šegofatše, mohumagadi. Seo ke se sebotse. Modimo a le šegofatše morago fao ka morago. Seo ke se sebotse.

<sup>168</sup> Bjale, Modimo wa go swana yoo a go kgodištego gore o phošo, o gona go e lokiša le wena.

<sup>169</sup> A re inamišeng dihlogo tša rena bjale, kgafetšakgafetša, gomme re rapele. E no bolela le Yena bjale, ka tsela ya gago mong. Ge o ka se kgone go dira go feta go no swana le molekgetho yo a iteilego ka boyena godimo ga sefega, o rile, “Modimo, nkgaoge, modiradibe.” Seo ke sohle a bego a swanetše go se bolela; Modimo o tsebile ka moka ga yona. Gomme o ile gae, a lokafaditše. A nke o ye ka go swana, bošegong bjo, o bolokegile go tšwa go ledimo.

<sup>170</sup> Tate wa rena wa Legodimong, mantšu a a sego makae a go hlakahlekana le mantšu a go arogana, feela bjalo ka ge ke ikwetše go hlahlwa go a bolela, a ile pele. Gomme ke a rapela gore, ka mokgwa wo mongwe, go swana le mošemane yo monnyane o bušeletša alfabete, o rile ke selo se nnoši a tsebilego go se dira, “O tsebile mantšu ohle, gomme O ka bea mangwalo mmogo.” O bone bonolo bja pelo ya gagwe. Modimo, lebelela fase godimo ga pelo ya ka ya go šokiša, bošegong bjo, gomme o bone bonolo bja pelo ya ka. Gomme Molaëtaš o be o e ra, Morena, ka lerato le bobose, bakeng sa batho, gore ba ke ba hwetše Khutšo ye yeo O mphilego le dikete tša ba bangwe, gore ba ke ba tsebe Jesu, Mophološi a nnoši wa soulo ya bona, gore A ke a ba hlahlele go Tate wa rena Modimo, gomme fale ba tla phuthwa ka polokego ka sefegeng sa Gagwe, ka lehlakoreng la Gagwe la go phatloga, le go Mo amogela, le go lokologa go tloga kahlolong.

<sup>171</sup> Gomme ba bantši bošegong bjo, Morena, ee, ba bantši ba phagamište diatla tša bona. Ke eng bontši nka go se dira, Morena, eupša go ba botša go “dumela”? Gomme ge ba dumetše, gomme ba be ba hlokofetše ka go seo, ga go kgonege go bona go se be le Bophelo bjo Bosafelego mo iring ye. Ka gore, O rile, “Yo a kwago Mantšu a Ka.” A be a le a Gago; a be a se a bewa mmogo gabotse, mohlomongwe, eupša O ka kgona go a bea mmogo. Gomme mohlomongwe O na le, go bao ba phagamištego diatla tša bona, ka gore O rile, “Ga go motho a ka kgonago go tla ntle le ge Ke mo goga. Gomme bohole bao ba tlago, nka se mo šikologe, eupša go mo fa Bophelo bjo Bosafelego, le go mo tsoša mo letšatšing la mafelelo.” Re a tseba, Morena Modimo, yoo ke

Wena! Ba phagamišitše diatla tša bona, ba nyaka Wena. Bjale, Tate, tlatša pelo ya bona, tlatša pelo ya bona ka bobotse le ka kgaogelo, ka Moya wo Mokgethwa. A nke bjo e be bošego bjo ba ka se tsogego ba bo lebala, gobane bjo ke bošego bjo ba amogetšego Jesu Kriste bjalo ka Mophološi wa bona, gomme ba tlatšwa ka Moya wo Mokgethwa.

<sup>172</sup> Ge re sa ne dihlogo tša rena di inamišitšwe. Ge le dumela gore Modimo o kwa thapelo ya ka, gomme o rata gore ke bee seatla sa ka godimo ga gago le go rapela le wena, ge o ka no... Ge yo mongwe le yo mongwe ka dihlogo tša bona di inamišitšwe, le mmino ka boleta ka nnete, ge le ka rata. Ke tla rata ba bantsi ba ba tla dirago, go tla mo, ba ba nyakago go amogela Molaetša wo mogolo wo wa phološo, Moya wo Mokgethwa. Gomme ba re, "Ngwanešu Branham, ke nyaka go tla pele thwi bjale, go ipolela gore ke bile phošo. Eupša ke nyaka Moya wo Mokgethwa go ntshwarela, le go ba bose go nna bjale, le go mpha khutšo ge nako ya go šišinyega."

<sup>173</sup> Le a tseba, se sengwe le se sengwe seo se ka šikinywago, se tla šikinywa bjale. "Eupša re amogela Mmušo wo o ka se kgonego go šuthišwa!" Yoo ke Kriste.

<sup>174</sup> A o ka tla le go ema mo aletareng, le nna, a nke ke sware seatla sa gago le go rapela le wena? Ge le ka dira, emelelang gomme le tle bjale, ge ka boleta re opela bjale. Lena ba le phagamišitšego diatla tša lena, etlang godimo mo bjale gomme le eme aletareng, nakwana feela, ge le kganyoga, ge re sa opela temana ye bjale.

Ke tla gae...

<sup>175</sup> Go ka reng ge ye e le nako ya mafelelo le ka tsogego la kwa Le? Naganang ka yona! Go ka reng ge e le nako ya mafelelo? Go ka reng ge saerine se lla ka morago ga lebakana, ntle ka mokgotheng, ke wena, ba tla go tšea mmele wa gago? Go ka reng ge, e ka ba ka iri ya bobedi mosong, o bitša ngaka, ke tlhaselo ya pelo? O nnoši. A Ye e ka se ke ya lla? Etla bjale polokegong, a o ka se ke, ka baka la gore o ya go swanelwa ke go ema ka matšatšing a mafelelo.

. . . Ke tla gae.

Ke tla gae, ke tla gae,

<sup>176</sup> Modimo a go šegofatše, Kgaetšedi...?...[Ngwanešu Branham o rapela le batho mo aletareng, a mantši a mantšu a gagwe ga a hlalošege—Mor.]...?...

Oo, go se tsoge gape...

<sup>177</sup> A o ka se no phagamela godimo, le go tla fase le ba bangwe ba ba emego go dikologa aletara mo? Etla. E tla kahlolong bjale. A o ka se tle? Etla bjale, dibe tša gago di ipolele bjale, o ka se swanele go ya kahlolong. Modimo a šegofatše baratani ba ba sa tšwago go tla. Modimo a go šegofatše, mohlomphegi. Seo ke se sebotse.

Modimo a go šegofatše, mohumagadi yo moswa. Etla thwi pele go theoga. Etla, mohlomphegi.

Ke tsekelleše kgole . . .

Etla pele, ngwanešu wa ka wa Spanish.

. . . kgole go tloga go Modimo,  
Bjale ke a tla . . .

<sup>178</sup> A le ka se emelele bjale, gomme le tle fase mo? A re rapeleng.  
Etlang Tshireletšong.

. . . ya sebe botelele kudu ke gatile,  
O Morena, ke tla gae.

<sup>179</sup> A nke ke bolele se, feels ge okene e tšwelapele e bapala. Molaetša, bošegong bjo, ke Molaetša wa lerato, mogau, le tshebotšo. Gosasa bošego, Molaetša wo o ka no ba ka ditsebeng tša gago felotsoko gape, Molaetša wa tšuo le kahlolo. Ge O sa na le kgaogelo ka go Wona, etla gomme o O amoge. A le ka se ke, bagwera? Ke swanetše go kopana le wena le Wo, se ke se boletšego bošegong bjo, letšatši le lengwe. A o ka se tle? A nke O bolele bakeng sa kgaogelo, bakeng sa gago. Ge re sa opela gatee gape, "Bjale ke Tla Gae," a le ka se e dire?

<sup>180</sup> E no dula thwi mo, kgaetšedi, morategi. Lena bohle dulang thwi mo ge le ka dira, nakwana feels. Re nyaka go ba le thapelo le ba mo aletareng. E nong go ba lesa ba dule thwi moo ba lego. Gatee gape bjale.

Ke tsekelleše kgole . . .

Phagamela godimo, etla. A o ka se ke? Ke a go laletsā.

Bjale ke tla gae;  
Tsela ya sebe botelele kudu ke e gatile,  
Morena, ke tla gae.

Bakriste, rapelang bjale.

Ke tla gae . . .

<sup>181</sup> Etla, ngwanešu modiradibe wa ka; etla, kgaetšedi; morekwa ka Madi a Gagwe, yo Kriste a mo hwetšego. A o ka se tle bjale? A nke ke le phegelele, iri ye kgolo ye, ge kahlolo e lekeletše godimo ga mabati a setšhaba, mabati a lefase. A o ka se tle? Ke a go fepeletša, legatong la Kriste, etla go Kriste ge o sa kgona! A nke e be kgaogelo, gomme e sego kahlolo.

<sup>182</sup> Bjale a re e hameng.

<sup>183</sup> A go ka ba ba bangwe gape, feels nakwana ge re letile fa bjale? Ba go fapania ba tšea mafelo a bona go dikologa bale. A ye ga se nako ye bose? Ga ke tsebe, e ka no ba nna, eupša ke no ikwela gabotse kudu gonabjale. Se ke se ke se hlologelago, se ke se ke se ratago.

<sup>184</sup> Ge ke be ke sa no ba moreri wa mošemane, kgaetšedi wa modiredi o rile go nna nako ye nngwe, o be a nnyaka gore ke ye

tantshing le yena. Ke mmoditše gore ke be ke sa ye ditantshing. O nkgopetše go mo tseela pontshong. Ke be nka se e dire. Ke rile, “Ga ke ye dipontshong.”

O rile, “O hwetša kae boipshino e ka ba bofe?” Ke rile, “Etla le nna kopanong.”

<sup>185</sup> Bošegong bjoo ke be ke na le kopano ya tente. Ke be ke sa no ba mošemané, e ka ba bogolo bja mengwaga ye masomepedi tee, lesogana. Bošegong bjoo, ba bantši ba tlie aletareng. Ke mmone a dutše morago kua, a lla. Ke mo šupeditše, ke rile, “O mpotšišitše potšišo bošegong bja go feta. Nka kgona go araba bošegong bjo.”

O rile, “E be e le eng, Billy?”

<sup>186</sup> Ke rile, “Ye ke thabo ye kgolokgolo ya nako ya ka.” Go bona badiradibe ba etla, Sengwe sa go kgotsofatša ka pelong ya ka se no bolela khutšo. Go tla gae!

...Ke tla gae,  
Go se hlwe...

<sup>187</sup> Ke rata feela bobose. O ikwela feela boka Moya wo Mokgethwa o gona, o thabile, “o dirile gabotse, o dirile gabotse.” Ye ke tokišetšo ya tirelo ya phodišo, phodišo ya semoya pele. Mmele wa Kriste o a babja, o hloka phodišo, Mmele wa semoya.

Ke tla gae...

Bjale inamišang dihlogo tša lena. Yo mongwe le yo mongwe rapela. Yo mongwe le yo mongwe ka thapelong.

...gae,  
Oo, ga go sa le go tsekella gape.

<sup>188</sup> Bjale, bokaone le e tšee bakeng sa ngwanešu yo fa. Le swanetše go ba le se sengwe ka fa. Ke nyaka ba dule fa metsotsot e se mekiae botelele.

...Matsogo a Gago (O dula thwi fa, yeo ke nnete.) a lerato,

Modimo a go šegofatše.



*LEDIMO LE LE TLAGO* NST60-0229  
(The Oncoming Storm)

Molaetša wo ka Ngwanešu William Marrion Branham, setlogong o abilwe ka Seisimane ka Mošupologo mantšiboa, Febereware 29, 1960, ka First Assembly Of God ka Phoenix, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)